


唐詩類苑





唐詩類苑第卷八十八

仁和卓明卿澂父編輯

華亭張之象玄超

長洲毛文蔚豹孫同校

寺觀部

寺

上官昭容奉和幸三會寺應制一首

釋子談經處軒臣刻字留故臺遺老在殘簡聖君求  
駐蹕懷千古開襟望九州四山緣塞合二水夾城流  
宸翰陪瞻仰天盃接獻酬太平詞藻盛長願紀鴻休



宋之問奉和幸三會寺應制一首

六飛迴玉輦雙樹謁金仙  
瑞鳥呈書字神龍吐浴泉  
淨心遙証果睿想獨超禪  
塔湧香花地山圍日月天  
梵音迎漏徹空樂倚雲懸  
今日登仁壽長看法鏡圓

劉憲奉和幸三會寺應制一首

峇嶢蒼史臺敞朗紆園開  
戒旦壺人集翻霜羽騎來  
下輦登三襲攀旒望九垓  
林披淘館榜水浸昆明灰  
納戶飛花綴幡竿度鳥迴  
豫遊仙唱動瀟洒出塵埃

李乂奉和幸三會寺應制一首

睿德總無邊神皇擇勝緣  
二儀齊法駕三會禮香筵

漢闕中黃近秦山太白連  
臺疑觀鳥日池似刻鯨年  
滿月臨真境秋風入御絃  
小臣叨下列持管謬窺天

李嶠奉和幸三會寺應制一首

故臺倉頡里新邑紫泉  
盈歲在開金寺時來降  
玉輿龍形雖起剎鳥跡  
尚留書竹是蒸青外池  
仍點墨餘天文光聖草  
寶思合真儒謬奉千齡  
日忻逢十地初

鄭愔奉和三會寺應製一首

鳥嶺潰新閣龍旂訪古臺  
造書在頡徃觀跡帝義來  
法界山川匝宸心宇宙該  
梵音隨駐輦天步接乘盃  
舊苑經寒露殘池間劫灰  
散花將捧日俱喜聖詞開



鄭愔奉和幸大薦福寺應制一首

舊邸三乘闢佳辰萬騎留蘭圖奉葉偈芝蓋拂花樓  
國會人王法宮還天地遊紫雲乘寶界白水作禪流  
鴈塔昌基遠鸚盆露藻抽忻承大風曲竊預小童謳

劉憲奉和幸大薦福寺應製一首

地灵傳景福天駕儼鈞陳佳哉藩邸舊赫矣梵宮新  
香塔魚山下禪堂鴈水濱珠幡映白日鏡殿寫青春  
甚權延故史大覺拯生人幸承歌頌末長奉屬車塵

季父奉和幸大薦福寺應制一首

象設隆新宇龍潛想舊居碧樓披玉額丹枕導金輿

代日興光近周月掩曜初空歌清沛筑梵樂奏胡書  
帝造還三界天文賁六虛康哉孝理日崇德在真如

李嶠奉和幸大薦福寺應制一首

鴈沼開香域鸞林降綵旒還窺圖鳳宇更坐濯龍川  
桂輦朝群辟蘭宮列四禪半空銀閣斷分砌寶繩連  
甘雨樵蘇澤慈雲動沛篇獨慙賢作礪空喜福成田

趙彥昭奉和幸大薦福寺應製一首

瑤地龍飛後金身佛現昔千花開國界萬善累皇畿  
北闕承行幸西園屬住持天衣拂舊石王舍起新祠  
剝鳳迎雕輦幡虹駐綵旗同沾小雨潤竊仰大風詩



宋之問奉和幸大薦福寺應製一首

香刹中天起宸游滿路輝乘龍太子去駕象法玉歸  
殿飾金人影窻搃玉女扉稍迷新草木遍識舊庭闈  
水入禪心定雲從寶思飛欲知皇劫遠初拂六銖衣  
沈佺期奉和幸大薦福寺應製一首

梵筵光聖邸仙豫覽宏規不改靈光殿因開功德池  
蓮生新步葉桂長昔攀枝湧塔庭中見飛樓海上移  
聞韶三月幸觀象七星危欲識龍歸處朝來雲氣隨

孫逖和崔司馬遊龍寺門一首

繫馬清溪樹禪門春氣濃香臺花下出講座竹間逢

覓路山童引經行谷鳥從更言窮寂滅回策上南峰

宋之問宿雲門寺一首

雲門若耶裏泛鷁路纒通黃綠篠岸遂得青蓮宮  
天香衆壑滿夜梵前山空漾七潭際月飄七杉上風  
兹焉多嘉遯數子今莫同鳳歸慨處士鹿化聞仙公  
樵路鄭州北舉井阿崑東末夜豈云寐曙華忽葱龍  
谷鳥囀尚澁源桃驚未紅再味期春暮當造林端窮  
庶幾蹤謝客開山投剡中

孫逖謝萬八賀九雲門寺歸溪作中一首

晚從靈境出林壑曙雲飛稍覺清溪盡迴瞻盡剡微



唐詩類苑 卷之八十一 寺部  
獨園餘興在孤棹宿心遠更憶登攀處天香滿袖歸  
宋之問遊雲門寺一首

維舟探靜域作禮事尋經投跡一蕭散為心自杳冥  
龕依大禹穴樓倚少微星香嶂圍蘭若迴溪抱竹庭  
覺花塗砌白甘露洗山青鴈塔騫金地虹橋轉翠屏  
人天宵現景神鬼書潛形理勝常虛寂緣空自感靈  
入禪從鶴繞說法有龍聽劫累終期滅塵躬且未寧  
搖七不安寐待月詠岩扃

岑參出閔經華嶽寺訪法華雲公一首

野寺聊解鞍偶見法華僧開門對西嶽石壁青稜層

竹逕厚蒼苔松門盤紫藤長廊列古畫高殿懸孤燈  
五月山雨熱二峰火雲蒸側問樵人言深谷幽積冰  
久願尋此山至今嗟未能謫官忽東走王程苦相迎  
欲去戀雙樹何由窮一乘月輪吐山郭夜色空清澄

崔國輔宿法華寺一首

松雨晝復滴寺門清且涼此心竟誰證回憇支公牀  
磬畫感灵跡龕經傳異香獨遊寄象外忽也歸南昌

宋之問遊法華寺一首

薄遊京都日遙羨稽山名分刺江海郡規來徵素情  
松露洗心眷象筵敷念誠薄雲界清嶂皎日騫朱甍



唐詩類苑卷之八十八  
五言齊周本  
苔澗深不測竹房閒且清感真六象見垂兆二鷗鳴  
古今信靈跡中州莫與京林巘未栖業豈伊佐一生  
浮悟雖已久事試去來成觀念宰相續庶幾最後明

宋之問遊法華寺一首

高岫擬耆闍真乘引妙車空中結樓殿意表出雲霞  
後果纏三足前因感六牙宴林薰寶樹水溜滴金沙  
寒谷梅猶淺溫庭橘未華臺香紅藥亂塔影綠篁遮  
果漸輪王族緣超梵帝家長行踏忍草夜誦得霸化  
江郡將何匹天都亦未加朝來沿泛所應是逐仙槎

張九齡祠紫蓋山王經泉山寺一首

指塗躋楚望策門望荆岑稍稍松篁入泠泠澗谷深  
觀竒逐幽映歷險志嶇嶇上界投佛影中大揚梵音  
焚香懺在昔禮足誓來今靈異若有對聖先其可尋  
高星聞浙者遠俗是初心薜剝經行處猿啼燕坐林  
歸真已寂滅留迹豈埋沈法地自茲廣何云千萬金

孟浩然陪張丞相視紫蓋山經王泉寺一首

望秋宣王命齋心待漏行青衿列胄子從事有參卿  
五馬尋歸路雙林指化城聞鍾度門近照膽王泉清  
皂蓋依松憇緇徒擁錫迎天宮近堯率沙界豁迷明  
欲就終焉志恭聞智者名人隨逝波沒山逐覆舟輕



想像若在眼周流空復情謝公還欲卧誰與濟羣生

張九齡復至王泉寺一首

灵境信幽絕芳時重暄妍再來及茲勝一遇非無緣  
萬木柔可結千花敷欲然松間鳴好鳥林下流清泉  
石壁開精舍金光照法筵真空本自寂假有聊相宣  
復此灰心者仍追巢頂禪簡書雖有畏身世亦俱捐

張說遊滄湖山寺二首

空山寂歷道心生虛谷迢遙野鳥聲禪室從來塵外  
賞香臺豈是世中情雲間東嶺千尋出樹裡南湖一  
片明若使巢由同此意不將薜蘿易簪纓

又

是老遊山寺提携觀画壁揚袂指碑支睦眄相闢閱  
險哉透撞兒白金賭一擲成敗身自受傍人那歎息

張說遊滄湖上寺一首

湖上奇峰積山中芳樹春何如絕世境來遇賞心人  
清響崑前樂啾嚶鳥獸馴靜言觀聽裏萬法自成輪

王珣遊滄湖上寺一首

春山臨遠擊水木自幽清夙志懷微尚茲焉一放情  
雲間聽弄鳥烟上摘初英地僻方無悶逾知道思精

趙冬義遊滄湖上寺一首

詩類苑卷之八十八



唐詩類苑卷之八十八 郊部 七  
江外多山水招要步馬來琴將天籟合酒共鳥歌  
崖坐攀紅藥溪行愛綠苔所懷非此地遊望亦徘徊

張暉遊栖霞寺一首

躋險入幽深翠微含竹殿泉聲無休歇山色嘗隱見  
潮來雜風雨梅落成霜霰一從方外遊頓覺塵心變

綦毋潛題栖霞寺一首

南山勢廻合靈境依此住殿轉雲崖陰僧探石泉度  
龍蛇爭翕習神意皆密護萬壑奔道場群峰向雙樹  
天花飛不着水月白成路今日觀身我歸心復何處

李白廬山東林寺夜懷一首

我尋青蓮宇徃謝城闕霜清東林鍾水白虎溪月  
天香生虛空天樂鳴不歇宴坐寂不動大千入毫髮  
湛然冥真心曠劫斷出沒

劉脊虛登廬山峯頂寺一首

孤峯臨萬象秋氣何高清延際南郡出林端西江明  
山門二緇叟振錫聞幽聲心照有無界業懸前後生  
徒知直機靜尚與愛網弁方首金門路未遑參道情

張說清遠江峽山寺一首

流落經荒外逍遙此梵宮雲峯吐月白石壁淡烟紅  
寶塔靈仙湧懸龕造化功天香涵竹氣虛叟引松風



簷牖飛花入房廊激水通猿鳴知谷靜魚戲辨江空  
靜默將何貴所貴心境同

宋之間宿清逸峽山寺一首

香岫懸金刹飛泉界石門空山唯習靜中夜寂無喧  
說法初聞鳥看心欲定猿窠上隔塵世何異武陵源  
岑參與高適薛據同登慈恩寺一首

塔勢如湧出孤高聳天宮登臨出世界磴道盤虛空  
突兀壓神州崢嶸如鬼工四角礙白日七層摩蒼穹  
下窺指高鳥俯聽聞擊風連山若波濤奔湊似朝東  
青槐夾馳道宮館何玲瓏秋色從西來蒼然滿關中

五陵北原上萬古青濛濛淨理了可悟勝因夙所宗  
誓將持冠去覺道資無窮

太宗過慈恩寺一首

日宮開萬仞月殿聳千尋花蓋飛圓影虹幡曳曲陰  
霞綺遙籠帳叢珠細網林寥廓烟雲表超然物外心  
許敬宗奉和過慈恩寺應制一首

鳳闕隣金地龍旂拂寶臺雲楣將葉並風牖送花來  
月宮清晚桂虹梁絢早梅梵境留宸矚揆發麗天才  
沈佺期奉和聖製同皇太子遊慈恩寺應制

一首



肅七蓮花界熒七具葉宮金人來夢裡白馬出城中  
湧塔初從地焚香欲遍空天歌應春籥非是為秋風

張說奉和聖製同皇太子遊慈恩寺應制一

首

翼七宸恩永煌七福地開離光昇寶殿震氣遶香臺  
上界幡花合中天伎樂來願君無量壽仙藻屢徘徊

岑參雪後與群公過慈恩寺一首

乘興忽相招僧房暮與朝雪融雙樹濕紗闌一灯燒  
竹外山低塔藤間院隔橋歸家如欲懶俗慮向來銷

蘇頲慈恩寺二月半寓言一首

二月韶春半三空霽景初獻來應有受滅盡竟無餘  
化迹傳官寺歸誠謁梵居殿堂花覆席觀閣柳垂疏  
共命枝間鳥長生水上魚問津窺彼岸迷路得真車  
行密幽閑靜談精俗態祛稻麻欣所寓蓬稗愴焉如  
不駐秦京陌還題蜀郡輿愛離方自此迴望獨躊躇

駱賓王稱心寺一首

征帆恣遠尋逶迤過稱心凝滯蘅蒹岸公河櫺柚林  
穿漱不厭曲艤潭唯愛深為樂凡幾許聽取舟中琴

宋之問遊稱心寺一首

釋事懷三隱清襟謁四禪江鳴潮未落林晚日初懸



寶葉交香雨金沙吐細泉望諧舟客趣思發海人烟  
碩櫪仍留馬乘杯又弃船未憂龜負岳且識鳥耘田  
理契多無象心冥不寄筌安期庶可揖天地得齊年

孫逖和崔司馬登稱心山寺一首

郡府乘休日王城訪道初覺花迎步履香草籍行車  
倚閣觀無際尋山盡太虛若空迷禹跡海靜望秦餘  
翡翠巢珠網鷓鴣間綺䟽地灵資淨土水若護真如  
寶樹誰攀折禪雲自卷舒晴分五湖勢烟合九夷居  
生滅紛無象窺臨已得魚常聞寶刀贈今日奉璫琚

陶翰宿天竺寺一首

松栢亂巖口山西微徑通天關一峯見宮闕生虛空  
正殿倚霞壁千稜標石叢夜來猿鳥靜鍾梵寒雲中  
岑翠映湖月泉聲亂溪風心超諸境外了與縣解同  
明發氣候改起視長崖東湖色濃蕩漾海光漸朦朧  
葛仙跡尚在許氏道猶崇獨往古今事幽懷期二公

崔灝遊天竺寺一首

晨登天竺山七殿朝陽曉澗泉爭噴薄江岫相縈繞  
直上孤頂高平看衆峯小南州十二月地暖冰雪少  
青翠滿寒山藤蘿覆冬沼花龕瀑布側青壁石林抄  
鳴鍾集人天施飯聚猿鳥洗意歸清淨澄心悟空了



始知世上人萬物一何擾

李白崔十二遊天竺寺一首

環聞天竺寺夢想懷東越每年海樹霜桂子落秋月  
送君遊此地已屬流芳歇待我來歲行相隨浮溟渤

李白與從姓杭州刺史良遊天竺寺一首

挂席凌蓬丘觀濤熱樟樓三山動逸興五馬同遨遊  
天竺森在眼松風颭驚秋覽雲測變化弄水窮清幽  
疊嶂隔遙海當軒寫歸流轉成傲雲月佳趣滿吳洲

王昌齡諸官游招隱寺一首

山館人已空青蘿換風雨自從永明世月向龍宮吐

鑿井長幽泉白雲今如古應真坐松栢錫杖掛牕戶  
口云七十餘能救諸有苦回指岳樹花如聞道場鼓  
金色身壞滅真如姓無主僚友同一心清光遣誰取

駱賓王陪潤州薛司空卅徒桂明府遊招隱

寺一首

共尋招隱寺初識戴顓家還依舊泉壑應改昔雲霞  
綠竹寒天筍紅蕉膈月花金繩倘昔客為繫日光斜

張說遊龍山靜勝寺一首

每上襄陽樓遙望雲山樹鬱第吐崗嶺微蒙在烟霧  
下車歲已成飾馬問餘步苦霜衰野草愛日陽江煦



唐詩類苑卷之八十一  
雲對石上塔風吹松下路禪室宴三空人祠同六趣  
兒童共戲謔猿鳥相驚顧南識桓公臺北望先賢墓  
世上人何在昔聞心不住唯傳無盡灯可使有情悟  
岑參聞崔十二侍御灌口夜宿報恩寺一首  
聞君尋野寺便宿支公房溪月冷深殿江雲擁回廊  
燃灯松林靜煮茗柴門香勝事不可接相思幽興長

岑參登嘉州凌雲寺作一首

寺出飛鳥外青峯戴朱樓搏壁躋半空喜得登上頭  
始知宇宙闊下看三江流天晴見峨眉如向波中浮  
迥曠烟景豁陰森棕栴稠願割區中緣永從塵外遊  
回風吹虎穴片雨當龍湫僧房雲濛濛夏月寒颼颼  
回合俯近郭寥落見遠舟勝槩無端倪天宮河淹留  
一官詎足道欲去令人愁

岑參秋夜宿仙遊寺南涼堂呈謙道人一首

太一連太白兩山知幾重路盤石門窄匹馬行才通  
日西到山寺林下蓬支公昨夜山北岢星星聞北鍾  
秦女去已久仙臺在中峰簫聲不可聞此地留遺蹤  
石潭積黛色每歲投金龍亂流爭迅湍噴薄如雷風  
夜來聞清磬月出蒼山空七山滿清光水樹相玲瓏  
回廊映蜜竹秋殿隱深松灯影落前溪夜宿水聲中



愛茲林巒好結宇向溪東相識唯山僧隣家一釣翁  
林晚栗初折枝寒梨已紅物幽興易愜事勝趣彌濃  
願謝區中緣來依金人宮寄報乘輦客簪裾尔何容

孟浩然遊龍門寺寄越府一首

我行適諸越夢寐懷所懼又負獨往願今來恣遊盤  
台嶺踐磴石耶溪泝林湍捨舟入香界登閣憇旃擅  
晴山秦望近春水鏡湖寬遠行佇應接卑位徒勞女  
白雲去九滯滄海竭來觀故國眇天末良朋在朝端  
過尔同携手何昔方掛冠

綦毋潛題鶴林寺一首

道門隱形勝向背臨層霄松覆山殿冷花藏溪路遙  
珊上寶幡掛焰上明燈燒遲日半空谷春風連上潮  
少憑水木興暫忝身心調願謝携手客茲山禪誦饒

吳少微和崔日用遊開元寺一首

左憲多才雄故人尤鷲鷲護贈單于使休軺太原郭  
館次厭煩敲清懷尋寂寞西緣十里餘北上開化閣  
初入雲樹間冥蒙未昭廓漸出欄楳外萬里秋景焯  
歲晏風落山天寒水歸擊覽物頌幽果至乘動玄鑰  
但敷利解言求用忘昏着

李白秋夜宿龍門香山寺奉寄王方城十七



丈奉國營上人從弟幼成令問一首

朝飯汝海東暮栖龍門中  
木寒夕波急木落秋山空  
望極九霄向賞幽萬壑通  
目浩沙上月心清松下風  
玉斗橫網戶銀河耿花宮  
興在趣方逸權餘情未終  
鳳駕憶王子虎溪壞遠公  
桂枝坐銷歇棣華不復同  
源恨寄伊水盈匕焉可窮

住甫法鏡寺一首

身危適他州勉強終勞苦  
神傷山行深愁破崖寺古  
嬋娟碧鮮淨簫箴寒籥聚  
回回山根木冉冉松上菊  
洩雲蒙清晨初日翳復吐  
朱薨半光炯戶牖粲可數

往策忘前期出蘿已亭午  
冥匕子規叫微徑不復取

杜甫遊龍門奉先寺一首

已從招提遊吏宿招提境  
陰瘳生靈賴月林散清影  
天闕象緯逼雲卧衣裳冷  
欲覺聞晨鍾令人發深省

杜甫岳麓山道林二寺行一首

玉泉之南麓山殊道林林  
壑爭盤紆寺門高開洞庭  
野殿脚挿入赤沙湖五月  
寒風冷佛骨六昔天樂朝  
香爐地靈步匕雪山草僧  
寶人匕滄海珠塔劫宮墻  
壯麗敵香厨松道清涼俱  
蓮花交響共命鳥金榜雙  
迴三足鳥方丈涉海費時  
節玄圃尋河知有無暮年



唐詩類苑卷之八十一  
且喜經行近春日  
蕪蒙暄暖扶飄然  
班白身奚適  
旁此烟霞茅可誅  
桃源人家易制度  
橘州田土仍膏腴  
潭府邑中甚淳古  
太守庭內不喧呼  
昔遭衰世皆晦跡  
今幸樂國養微軀  
依止老宿亦未晚  
富貴功名焉足圖  
又爲野客尋幽慣  
細學何顛免與孤  
一重一掩吾肺腑  
山鳥山花吾友于  
宋公放逐曾題壁  
物色分留與老夫

王勃遊梵宇三學寺一首

杏閣披青磴  
瑤臺控紫岑  
葉齊山路狹  
花積野壇深  
蘿幌栖禪影  
松門聽梵音  
遽忻陪妙躅  
延賞滌煩襟

王勃觀佛跡寺一首

蓮座神容儼  
松崖聖蹟餘  
年長金跡淺  
地久石文踈  
頽華臨曲磴  
傾影赴前除  
共嗟陵谷遠  
俄視化塵虛

盧照鄰石鏡寺一首

古墓芙蓉塔  
神銘松柏烟  
鵞沉仙鏡底  
花沒梵輪前  
銖衣千古佛  
寶月兩重圓  
隱七香臺夜  
鍾聲徹九天

沈佺期樂城白鶴寺一首

碧海開龍藏  
青雲起鴈堂  
潮聲迎法鼓  
雨氣濕天香  
樹接前山暗  
溪承瀑水涼  
無言誦五遠  
清淨得空王

沈佺期遊少林寺一首



長歌遊寶地徒倚對珠林  
鴈塔風霜古龍池歲月深  
紺園澄夕霽碧殿下秋陰  
歸路烟霞晚山蟬處處吟  
宋之問幸少林寺應制一首

糾宇橫天室迴窳指帝休  
曙陰迎日望春氣抱曲流  
空樂繁行漏香烟薄綵遊  
王膏從此泛仙馭接浮丘  
宋之問幸岳寺應制一首

暫幸珠筵地俱憐石瀨清  
泛流張翠幙拂迥挂紅旌  
雅曲龍調管芳鱗蟻泛觥  
陪歡玉座晚復得聽金聲  
宋之問游韶州廣界寺一首

影殿臨丹壑香臺隱翠崖  
巢飛含象鳥砌蹋雨空花  
寶鐸搖初霽金池映晚沙  
莫愁歸路遠門外有三車  
宋之問秋晚遊普耀寺一首

薄暮曲江頭仁祠暫可留  
山形無隱霽野色遍呈秋  
花覆香泉密藤綠寶樹幽  
平生厭塵事過此忽悠悠  
蘇頌武擔山寺一首

武擔獨蒼然墳山下王泉  
龜趺特共畫龍女事同遷  
松栢含哀處幡花種福田  
詎知留鏡石長與法輪圓  
張說奉和同皇太子過荷恩寺應制一首

朗七神居峻軒七瑞象威聖君成願  
果太子拂天衣  
至樂三靈會深仁四皓歸還聞  
澗水曲更繞白雲飛



儲光羲石甕寺一首

遙山起真宇西向盡花林下見宮殿小上看廊廡深  
苑花落池水天語聞松音真子又知我焚香期化心  
范朝題古甕寺一首

勝景宜長望遲春好散愁關連四塞起河帶八川流  
複磴承香閣重巖映綵樓爲臨溫液近偏美聖君遊  
岑參祭涼州尹臺寺一首

胡地三月半梨花今始開因從老僧飯更上夫入臺  
清唱雲不去彈弦風颭來應須一倒載還似山公回  
王維過香積寺一首

不知香積寺數里入雲峰古木無人逕深山何處鍾  
泉聲咽危石日色冷青松薄暮空潭曲安禪制毒龍  
王維登辨覺寺一首

竹逕從初地蓮峯出化城窻中三楚盡林上九江平  
軟草承趺坐長松響梵聲空居法雲外觀世得無生  
孟浩然遊景空寺一首

龍象經行處山腰度石關屢迷青嶂合時愛綠蘿閑  
冥息花林下高談竹嶼間寥々隔塵事疑是入雞山  
孟浩然與張折衝遊耆闍寺一首

籊子弥天秀將軍武庫材橫行塞北盡獨步漢南來



貝葉傳金口山櫻作賦開因君振嘉藻江楚氣雄哉  
孟浩然泪廬江聞故人在東寺寄之一首

江路經廬阜松門入虎溪聞君尋寂樂清夜宿招提  
石經山精怯禪林佈鴿栖一灯如悟道為照客心迷  
褚朝陽登少室山寺一首

飛閣青雲裡先秋獨早凉天花映窓近月桂拂簷香  
華岳三峯小黃雲一帶長空間指歸路烟處有垂楊  
綦毋潛宿龍興寺一首

香刹夜忘歸松清古殿扉灯明方丈室珠繫比丘衣  
白日傳心淨青蓮喻法微天花落不盡處七鳥啣飛

李白題江夏循靜寺一首

我家北海宅作寺南江濱空庭無王樹高殿坐幽人  
書帶留青草琴堂慕素塵平生種桃李寂滅不成春

杜甫和裴迪登新津寺寄王侍郎一首

何限倚山木吟詩秋葉黃蟬聲集古寺鳥影度寒塘  
風物悲遊子登臨憶侍郎老夫貪佛日隨意宿僧房

杜甫陪李梓州王閬州蘇遂州李果州四使  
君登惠義寺一首

春日無人境虛空不住天鶯花隨世界樓閣倚山巔  
遲暮身何得登臨意惘然誰能解金印瀟洒共安禪



杜甫遊脩覺寺一首

野寺江天豁山扉花竹幽詩應有神助吾得及春遊  
徑石相縈帶川雲自去留禪枝宿衆鳥漂轉暮歸愁  
杜甫後遊脩覺寺一首

寺憶曾遊處橋怜再渡時江山如有待花柳更無私  
野潤烟光薄沙暄日色遲客愁全爲減捨此復何之

杜甫上兜率寺一首

兜率知名寺真如會法堂江山有巴蜀棟宇自齊梁  
庾信哀雖久何顛好不忘白牛車遠近且欲上慈航

杜甫望兜率寺一首

樹密當山徑江深隔寺門霏<sub>七</sub>雲氣重閃<sub>七</sub>浪花翻  
不復知天大空餘見佛尊時應清盥罷隨喜給孤園

杜甫上牛頭寺一首

青山意不盡袞袞上牛頭無復能拘礙真成浪出遊  
花濃春寺靜竹細野池幽何處鶯啼切移時獨未休

杜甫望牛頭寺一首

牛頭見鶴林梯徑逶迤幽深春色浮山外天河宿殿陰  
傳灯無白日布地有黃金休作狂歌老回看不住心

杜甫山寺一首

野寺殘僧少山園細路高麝香眠石竹鸚鵡啄金桃



亂水通人過懸崖置屋牢上方重閣晚百里見纖毫

杜甫秦州雜詩二首

秦州城北寺勝跡隗囂宮苔蘚山門古丹青野殿空  
月明垂葉露雲遂渡溪風清渭無情極愁時獨向東

二

山頭南郭寺水號北流泉老樹空庭得清渠一邑傳  
秋花危石底晚景卧鍾邊俛仰悲身世溪風為颭然

沈佺期幸香山寺應制一首

南山奕々通丹禁北嶽峨々連翠雲嶺上樓臺千地  
起城中鍾鼓四天聞旃壇晚閣金輿度鸚鵡晴林絲

眊分願以醍醐參聖酒還將祇苑當秋汾

孔德紹登白馬山護明寺一首

名岳標形勝危峯遠躋紆成象建環極大壯闡規模  
層臺聳灵鷲高殿邇陽烏暫同遊閭苑還類入仙都  
二休開碧嶺萬戶洞金鋪攝心罄前禮訪道把中衢  
遙瞻盡地軸長望極天隅白雲起梁棟丹霞映松櫨  
露花疑濯錦泉月似沉珠今日桃源客相顧失歸途

駱賓王和王記室從趙王春日遊陔山寺一

首

鳥旗陪訪道鷲嶺洽棲真四禪明淨業三空廣勝因



唐詩類苑卷之八十八 頌寺詩 十一 齊齋閣本

祥河踈疊澗惠日皎重輪葉暗龍宮密花明鹿苑春  
雕談筌奧旨妙辯漱玄津雅曲終難和徒自奏巴人

駱賓王靈隱寺一首

鷲嶺巒岩嶢龍宮鎖寂寥樓觀滄海日門對浙江潮  
桂子月中落天香雲外飄捫蘿登塔遠剝木取泉遙  
霜薄花更發冰輕葉互凋夙齡尚澁異披對滌煩囂  
待入天台路看余度石橋

高適同羣公宿開善寺贈陳十六所居一首

駕車出人境避暑投僧家徘徊龍象側始見香林花  
讀書不及經飲酒不勝茶知君悟此道所未披袈裟

談空忘外物持戒破諸邪則是無心地相看唯月華

高適同群公題中山寺一首

平原十里外稍上雲巖深遂及清淨所都無人世心  
名僧既禮謁高閣復登臨石壁倚松經山田麥粟林  
超遙盡巘嶺逼側仍嶇嶽吾欲休世事於焉聊自任

王維和宋中丞夏日遊福賢觀天長寺即陳

左相宅所施之作一首

已相殷王國空餘尚父溪釣磯開月殿築道出雲梯  
積水浮香象深山鳴白鷄虛空陳伎樂衣服製虹霓  
墨點三千界丹飛六一泥桃源勿遽返再訪恐君迷

唐詩類苑卷之八十八 頌寺詩 十一 齊齋閣本



王維遊化感寺一首

翡翠香烟合琉璃寶地平龍宮連棟宇虎火傍簷楹  
谷靜惟松響山深無鳥聲瓊峯當戶折金澗透林鳴  
郢路雲端迥秦川雨外晴馬王術果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菘米嘉蔬綠芋羹誓陪清梵末端坐學無生

王維遊悟真寺一首

聞道黃金地仍開白玉田擲山移巨石呪嶺出騰泉  
猛虎同三境愁猿學四禪買香燃綠桂乞火踏紅蓮  
草色搖霞上松聲泛月邊山河窮百二世界接三千

二

梵宇聊憑視王城遂渺然灞陵纔出樹渭水欲連天  
遠縣分諸郭孤村起白烟望雲忠聖主披霧憶羣賢  
薄宦慚尸素終身擬尚玄誰知草庵客曾和栢梁篇

宋昱題石窟寺一首

梵宇開金地香龕鑿鉄圍影中羣象動空裏衆靈飛  
簾牖籠朱旭房廊挹翠微瑞蓮生佛步瑤樹挂天衣  
邀福功雖在興兵伐久非誰知雲朔外更覩化胡歸

張謂同諸公遊雲山禪寺一首

共許尋雞足誰能惜馬蹄長空淨雲雨斜日半虹霓



簷下千峰轉窻前萬木低  
看花尋徑遠聽鳥入林迷  
地與喧聞隔人將物我齊  
不知樵客意何事武陵溪

李華遊山寺一首

捨事入樵徑雲木深谷口萬壑移  
晦明千峰轉前後  
巖然龍潭上石勢若奔走開坼  
秋天光崩騰萬雷吼  
靈溪自茲去紆直互紛糾  
聽聲靜復喧望色无更有  
冥上翠微下高殿映杉柳  
昔時秦王女羽化年代久  
日暮松風來蕭聲生左右  
早窺神仙籙願結芝木友  
安得羨門方青囊繫吾肘

杜甫山寺一首

野寺根石壁諸龕遍崔嵬  
前佛不復辨百身一莓苔  
唯有古殿存世尊多塵埃  
如聞龍象泣足令信者哀  
使若騎紫馬捧擁從西來  
樹羽靜千里臨江久徘徊  
山僧衣藍縷告訴棟梁摧  
公爲顧兵徒咄嗟檀施開  
吾知多羅樹却倚蓮花臺  
諸天必懽喜鬼物無嫌猜  
以茲撫士卒孰曰非周才  
窮子失淨處高人憂禍胎  
歲晏風破肉荒林寒可迴  
思量入道苦自晒同嬰孩

獨孤及題恩禪寺上方一首

溪口聞法鼓停橈登翠屏  
攀雲到金界合掌開禪扃  
鬱律衆山抱空濛花雨零  
老僧指香樓云是不死亭



唐詩卷之八十一 寺部 十四 蘇頌題  
眇七千越路茫七春草青遠峯噴百谷繚繞馳東溟  
目極想何在鏡照心亦冥下視三界狹但聞五濁腥  
山中有良樂五欲墮天刑

杜甫謁文公上方二首

野寺隱喬木山僧高下厝石門日色異絳氣橫扶踈  
窈窕入風磴長蘿紛卷舒庭前猛虎卧遂得文公廬  
俯視萬家邑烟塵對階除吾師雨花前不下十年餘

二

長者自布金禪龕只晏如大珠脫玷翳白月當空虛  
甫也南北人蕪蔓少耘鋤久遭詩酒污何事忝簪裾

王侯與螻蟻同盡隨丘墟願聞第一義迴向心地初  
金篦刮眼膜價重百車渠無生有汲引茲理儻吹嘘

王維春日上方即事一首

好讀高僧傳皆看辟穀方鳩形將刻杖龜殼用支牀  
柳色春山映梨花夕鳥藏北窓桃李下閑坐但焚香

劉復寺盂清晨一首

高枕對曉月衣巾清且涼露華朝未曦滴瀝含虛光  
隔竹聞汲井開扉見焚香困心感衰病結念依法王  
青冥早雲飛杳靄空鳥翔此情皆有釋悠然知所忘

蘇頌奉和馬常侍寺中之作一首



唐詩類苑 卷之八 十一 部 十五 游齋題本  
怨暑昔雲謝愆湯澤暫偏鼎甯從祀日鑰動問刑年  
絳服龍零寢玄冠馬使旋作霖期傳說為早聽周宣  
河嶽陰符啓星辰惜檄傳浮涼吹景氣飛動洒空烟  
颯上將秋近沉上與暝連分湍涇水石合穎雍州田  
德施超三五文雄賦十千及斯何以樂明主敬人天

李白春日歸山寄孟六浩龍一首

來紱遺壘境青山謁梵遊金繩開覺路寶筏度迷川  
嶺樹攢飛拱品花覆谷泉塔形標海日樓勢出江  
烟香氣二天下鍾聲萬壑連荷秋珠已滿松密蓋初  
一圓鳥聚疑聞法龍參若護禪愧非流水韻叨入伯

牙絃



唐詩類苑 卷之八十八 對音 二十六 卷齊開本

唐詩類苑第八十八卷終

唐詩類苑第八十九卷

仁和卓明卿敦父編輯

華亭張之象玄超

長洲毛文蔚豹孫同校

寺觀部

浮屠

高適同諸公登慈恩寺浮屠一首

香界泯群有浮圖豈諸君登臨駭孤高披拂忻大壯  
言是羽翼生迥出虛空上頓疑身世別乃覺形神正  
宮闕皆戶前山河盡簷向秋風昨夜至秦塞多清曠

唐詩類苑 卷之八十九 見部 一 公齊准



唐詩類苑 卷之九 三 舊音 一 秋 燕 周 本  
千里何蒼蒼五陵爵相望盛時慙阮步末宦知周防  
輪效獨無因斯焉可遊放

劉憲奉和九月九日登慈恩寺浮屠應制一  
首

飛塔雲霄半清晨羽旆遊登臨憑季月寥廓見中洲  
御酒新寒退天文瑞景留辟邪將獻壽茲日來千秋  
上官昭容奉和九月九日登慈恩寺浮屠應

制一首

帝里重陽節香園萬乘來却邪更入佩獻壽菊傳盃  
塔類承天湧門疑待佛開睿詞懸日月長待御昭回

張錫奉和九月九日登慈恩寺浮屠應制一  
首

九州霜景淨千門曉望通仙遊光御路瑞塔迥凌空  
菊彩揚堯日萸香入舜風天文麗神象竊抃仰層宇  
岑羲奉和九月九日登慈恩寺浮屠應制一

首

寶臺聳天外玉輦步雲端日麗重陽景風搖季月裝  
梵堂遙集鴈帝樂近翔鸞願獻延齡酒長承湛露歡  
趙彥昭奉和九月九日登慈恩寺浮屠應制

二首



唐詩卷之六十九 勸學  
出豫乘秋節登高出梵宮  
皇心滿塵界佛迹現虛空  
日月宜長壽人天得大通  
喜聞題寶唱受記莫由同

崔日用奉和九月九日登慈恩寺浮屠應制

一首

紫宸懽任洽紆殿法初隆  
菊泛延齡酒蘭吹解愠風  
咸英調正樂香梵遍秋空  
臨幸符天瑞重陽日再中

李义奉和九月九日登慈恩寺浮屠應制一

首

涌塔臨玄邑高層嗽紫微  
鳴鑿陪帝出攀撩翊天飛  
慶洽重陽壽立含列象輝  
小臣叨載筆欣此頌巍七

盧莊用奉和九月九日登慈恩寺浮屠應制

一首

化塔龍山起中天鳳輦迂絲旒  
牽畫刹雜珮冒香菓  
寶葉擎千座金英漬百盃  
秋雲颺聖藻宵極捧連珠  
畢乾太奉和九月九日登慈恩寺浮屠應制

一首

鸚林化塔啓鳳輦順時遊  
重九昭呈慶太千揚帝休  
耆闍妙法闡王舍睿文流  
至德覃無極小臣歌詎詡  
辛替否奉和九月九日登慈恩寺浮屠應制

一首



洪慈均動植至海俯深玄出豫從初地登高適梵天  
白雲飛御藻慧日煖皇編別有秋原藿長傾雨露緣  
解琬奉和九月九日登慈恩寺浮屠應制一

首

瑞塔臨初地金輿幸上方空邊有清淨覺處無馨香  
雨霽微塵歛風秋定水涼茲辰採仙菊薦壽慶重陽  
翹瞻奉和九月九日登慈恩寺浮屠應制一

首

扈蹕遊玄地陪仙瞰紫微似邁銖衣劫將同羽化飛  
雕戈秋日麗寶劍曉霜霏獻觴乘菊序長願奉天墀

孫佺奉和九月九日登慈恩寺浮屠應制一  
首

應節萸房滿初寒菊浦新龍旗煥辰極鳳駕儼香闈  
蓮井偏宜夏梅渠更若春一忻陪鴈塔還似得天身  
李從遠奉和九月九日登慈恩寺浮屠應制

一首

九月從時豫三乘為法開中宵日天子半座寶如未  
摘果珠盤獻攀萸玉輦迴願將塵露點遙奉光明臺  
楊庶奉和九月九日登慈恩寺浮屠應制

首



萬乘臨真境重陽眺遠空  
慈雲浮鳳塔定水應龍宮  
寶鐸含飄響仙輪帶日紅  
天文將瑞色輝煥滿寰中

張景源奉和九月九日登慈恩寺浮屠應制

一首

飛塔凌霄起宸遊一屆焉  
金壺新泛菊寶座卽按蓮  
就日搵香輦憑雲出梵天  
祥氛與佳色相伴雜鑪烟

馬懷素奉和九月九日登慈恩寺浮屠應制

一首

季月重陽啓金輿陟寶坊  
御旂橫日道仙塔儼雲莊  
帝躡千官從乾詞七曜光  
願慚文墨職無以頌時康

李迥秀奉和九月九日登慈恩寺浮屠應制

一首

沙界天王塔金繩梵帝遊  
言從祇樹賞行玩菊叢秋  
御酒調甘露天花拂綵旒  
堯年將佛日同此慶時休

樊忱奉和九月九日登慈恩寺浮屠應制

一首

淨境重陽節仙遊萬乘來  
插萸登鷺嶺把菊坐蜂臺  
十地祥雲合三天瑞景開  
秋風詞更遠竊抃樂康哉

李恒奉和九月九日登慈恩寺浮屠應制

一首



唐詩卷之八  
寶地臨丹掖香臺瞰碧雲  
闕河天外出城闕樹中分  
睿藻蘭英秀仙孟菊蕊薰  
願將今日樂長奉聖明君

王景奉和九月九日登慈恩寺浮屠應制一

首

玉輦移中禁珠梯覽四禪  
重階清漢接飛竇紫霄懸  
綴葉披天藻吹花飲御筵  
無因戀蹕暇俱舞鶴林前

蕭至忠奉和九月九日登慈恩寺浮屠應制

一首

天蹕三乘啟星輿六轡行  
登高凌寶塔極目遍王城  
神衛空中遶仙歌雲外清  
重陽千萬壽率舞頌昇平

周利用奉和九月九日登慈恩寺浮屠應制

一首

出豫乘金節飛文煥日宮  
萸房開聖酒菊苑被玄功  
塔向三天迴池將八解空  
叨恩奉蘭籍終愧洽薰風

李適奉和九月九日登慈恩寺浮屠應制一

首

鳳輦乘朝霽鸞林對晚秋  
天文貝葉寫聖澤菊花浮  
塔似神功遍龕疑佛影  
番幸陪清漢蹕欣奉淨居遊

宋之問奉和九月九日登慈恩寺浮屠應制

二首

唐詩卷之八  
公齊雅本



鳳刹侵雲半虹旌倚日邊散花多寶塔張樂布金田  
時菊芳仙醞秋菊動睿篇香街稍欲晚清蹕扈歸天

又

瑞塔千尋起仙輿九日來莫房陳寶席菊蕊散花臺  
御氣鵬霄近升高鳳野開天歌將梵樂空裏共徘徊  
李嶠奉和聖製閏九月九日幸總持登浮屠

應制一首

閏月開重九真遊下大千花寒仍薦菊座晚即披連  
刹鳳廻雕輦幡虹間綵旃還將西梵曲助入南薰絃  
宋之問登總持寺浮屠一首

梵宇出三天登臨望八川開襟坐霄漢揮手拂雲烟  
函谷青山外昆明落日邊東京楊柳陌少別已經年

孟浩然登總持浮屠一首

半空躋寶塔晴望盡京華竹遶渭川遍山連上苑斜  
四門開帝宇阡陌俯人家累劫從初地爲童憶聚沙  
一窺功德見彌益道心加坐覺諸天近空香送落花

高適和竇侍御登涼州七級浮屠之作一首

化塔屹中起孤高宜上躋鐵冠雄賞眺金界寵招携  
空色在軒戶邊聲連鼓鼙天寒萬里北地豁九州西  
清興揖才彥峻風和端倪始知陽春後興物皆筌蹄



高適登廣陵栖靈寺塔一首

淮南富登臨茲塔信竒最直上造雲族憑虛納天籟  
迥然碧海西獨立飛鳥外始知高興盡適與賞心會  
連山黯吳門喬木吞楚塞城池滿窓下物象歸掌內  
遠思駐江帆暮情結春靄軒車疑蠢動造化資大塊  
何必事無身然後知所退

岑參登千福寺楚金禪師法華院多寶塔一

首

多寶滅已久蓮花付吾師寶塔凌太空忽如湧出特  
數年功不成一志堅自持明主親夢見世人今始知

千家獻黃金萬匠磨琉璃既空泰山木亦罄天府費  
焚香如雲屯幡蓋珊珊垂悉窅神繞護衆魔不敢窺  
作禮覩靈境焚香方證疑庶割區中緣脫身恒在茲  
張說送武員外使嵩山置舍利塔一首

懷玉泉戀仁者寂滅真心不可見空留影塔嵩岩下  
寶王四海轉千輪金曇百粒送分身山中二月娑羅  
會虛唄遙遙愁思人我念過去微塵劫與子禪門同  
正法雖在神仙闌省間常持清淨蓮花葉來亦好去  
亦好了觀車行馬不移當見菩提離煩惱

徐堅送武員外使嵩山置舍利塔一首



伊川別騎灞岸分筵對三春之花月覽千里之風烟  
望青山兮分地見白雲兮在天寄愁心於尊酒愴離  
緒於清弦共握手而相頤各啣悽而黯然

李白秋日登揚州西靈寺塔一首

寶塔凌蒼七登攀覽四荒頂高元氣合標出海雲長  
萬象分空界三天接盡梁水搖金剎影日動火珠光  
鳥拂瓊簾度霞連繡栱張目隨征路斷心逐去帆揚  
露沾枯楸白霧催橘柚黃王毫如可見於此照迷方  
崔署宿大通和尚塔敬贈如闍黎廣心長孫

錡二山人一首

支公已寂滅塔影山上古更有真僧來道場救諸若  
一承微妙法寓宿清淨土身心能自新色相了無取  
森七松映月漠漠雲近戶嶺外飛電明夜來前山雨  
燃燈見棲鴿作禮問信鼓曉籟南軒開秋華淨天宇  
願言長出世謝尔及申甫

杜甫同諸公登慈恩寺塔一首

高標誇蒼穹烈風無時休自非曠士懷登茲翻百憂  
方知象教力足可追冥搜仰穿龍蛇窟始出枝撐幽  
七星在北戶河漢聲西流羲和鞭白日少昊行清秋  
泰山忽破碎涇渭不可求俯視但一氣焉能辨皇州



唐詩卷之八十九  
迴首叫虞舜倉梧雲正愁惜哉瑤池飲日晏崑崙丘  
黃鵠去不息哀鳴何所投君看隨陽鴈各有稻梁謀

荆叔題慈恩塔一首

漢國山河在秦陵草樹深暮雲千里色無處不傷心

張謐書香能和尚塔一首

太師捐世去空餘法力在遠寄無礙香心隨到南海

王昌齡素上人影塔一首

物化同枯木希夷明月珠本來生滅盡何者是虛無  
一坐看如故千齡獨向隅至人非別有方外不應殊

解彥融鴈塔詩一首

崢嶸徹倒景刻削俯死地勇進攀有緣卽嶮恐迷墜  
窅然喪五蘊蠢尔憐萬類實際罔他尋波羅必可致  
南山繚上苑耆樹連岩翠北斗臨帝城扶宮切太清  
食和禪日用味道懿天明綠野冷風浹紫湘佳氣晶  
馴禽濱法要忍草藉徑行本願從茲適方知物世輕

樓

沈佺期幸紅樓苑應制一首

紅樓疑見白毫光寺逼宸居福盛唐支遁愛山情謾  
切曇摩泛海路空長經聲夜息聞天語爐氣晨飄接  
御香誰謂此中難可到自怡深院得徊翔



李頎宿香山寺石樓一首

夜宿翠微半高樓聞暗泉  
漁舟帶遠火山磬發孤烟  
衣拂雲松外門清河邊  
峯巒低枕席世界接人天  
露霽花出霞輝輝星映川  
東林曙鷺滿惆悵欲言還  
閣

宋之問奉和聖製閏九月九日登莊嚴總持

二寺閣一首

閏月冉重陽仙輿歷寶坊  
帝歌雲稍白御酒菊猶黃  
鳳鐸喧行漏天花拂舞行  
豫遊多景福梵宇日生光

岑參祭總持閣一首

高閣逼諸天登臨近日邊  
晴開萬井樹愁看五陵烟  
檻外低秦嶺窻中小渭川  
早知清淨理常願奉金僊

崔湜登總持寺閣一首

宿雨青龍界晨暉滿鳳城  
昇攀重閣迥憑覽四郊明  
井邑周秦地山河今古情  
紆餘二水合寥落五陵平  
處處風烟起欣欣草木榮  
故人不可見冠蓋滿東京

李頎聖善閣送裴迪入京一首

雪華滿高閣苔色上鈎欄  
藥草空階靜梧桐返照寒  
清吟可愈疾携手暫同歡  
墜葉和金磬飢鳥鳴露盤  
伊流惜東別灞水向西看  
舊託含香署雲霄何足難



張九齡登摠持閣一首

香閣起崔嵬，高高紗版開。  
攀躋千仞上，紛詭萬形來。  
草間商谷陌，雲重漢后臺。  
山從函谷斷，川向斗城迴。  
林裏春容變，天邊客思催。  
登臨信為美，懷遠獨悠哉。

李白登巴陵開元寺西閣贈衡岳僧方外一首

衡岳有闡士，五峯秀真骨。  
見君萬里心，海水照秋月。  
大臣南溟去，問道皆請謁。  
酒以其露言，清涼潤肌髮。  
明朝落天鏡，香閣凌銀闕。  
登眺飡惠風，新花期啓發。

賀朝宿香山閣一首

暝上春山閣，梯雲宿半空。  
軒窓閉潮海，椽席拂烟虹。  
朱網防棲鷓，紗燈護夕虫。  
一聞雞唱曉，已見日瞳瞳。

高適同群公登濮陽臺佛寺閣一首

落日登臨處，悠然意不窮。  
佛因初地識，人覺四天空。  
來鴈清霜後，孤帆遠樹中。  
徘徊傷寓目，蕭索對寒風。

李白流夜郎至江夏陪長史叔及薛明府宴興德寺南閣一首

紆殿橫江上，青山落鏡中。  
岸迴沙不盡，日映水成空。  
天樂流香閣，連舟颺晚風。  
恭陪竹林宴，留醉與陶公。

杜甫陪城縣香積寺官閣一首



寺下春江深不流山腰官閣迴添愁含風翠壁孤雲  
細背日丹楓萬木稠小院回廊春寂寂浴鳧飛鷺晚  
悠悠諸天合在藤蘿外昏黑應須到上頭

宋之問使過襄陽鳳林寺閣一首

香閣臨清漢丹梯隱翠微林篁天際密人世谷中違  
苔石銜仙洞蓮舟泊釣磯山雲浮棟起江雨入庭飛  
信羨雖南國嚴程限北歸幽尋不可再留步惜芳菲

孟浩然登龍興寺閣一首

閣道乘空出披軒遠目開逶迤見海勢客至屢緣迴  
茲郡何填委遙山復幾哉蒼蒼皆草木處此盡樓臺

驟雨一陽散行舟四海來鳥歸餘興遠周覽更徘徊  
院

李頎題神力師院一首

大師神傑貌五岳森禪房堅持日月珠豁見蒼江長  
隋病拔諸苦致身如法王階庭藥草徧飯食大花香  
樹色向高閣晝陰橫半墻每聞第一義心淨琉璃光  
王維走筆酬黎居士浙川作一首

儂家真個去公定隨儂否着處是蓮花無心變楊柳  
松龕藏藥裹石唇安茶臼氣味當共知那能不携手  
常建題法院一首



唐詩卷之六十九  
勝景門閒對遠山竹深松老半含烟皎月殿中三度  
磬水晶宮裡一僧禪

儲光羲苑水至龍興院作一首

朝遊天苑外忽見法筵開山勢當空出雲陰滿地來  
踈鍾清月殿幽梵靜花臺日暮香林下飄颻仙步迴

綦毋潛題靈隱寺山頂院一首

招提此山頂下界不相聞塔影挂清漢鍾聲和白雪  
觀空靜室掩行道衆香焚且駐西來駕人天日未曛

常建題破山寺後禪院一首

清晨入古寺初日照高林竹逕通幽處禪房花木深

山光悅鳥性潭影空人心萬籟此都寂但聞鍾磬音

王維過感化寺曇興上人山院一首

暮持筇竹杖相待虎溪頭催客聞山響歸房逐水流  
野花叢發好谷鳥一聲幽夜坐空村寂松風直似秋

裴迪過感化寺曇興上人院一首

不遠灞陵邊安居向十年入門穿竹逕番客聽山泉  
鳥轉深林裏心閑落照前浮名竟何益從此願栖禪

王維青龍寺曇上人兄院集一首

高處敞招提虛空詎有倪坐看南陌騎下聽秦城雞  
眇眇孤烟起芊芊遠樹齊青山萬井外落日五陵西



唐詩卷之六十九寺觀部 十四 崑山題本  
眼界今無染心空安可迷

王緝青龍寺曇壁上人元院集一首

林中空寂舍階下終南山高卧一床地迴看六合間  
浮雲幾處滅飛鳥何時還問義天人接无心世界閑  
誰知大隱客兄弟自追攀

王昌齡青龍寺曇壁上人院集一首

本來清淨所竹樹引幽陰簷外含山翠人間出世心  
圓通無有象聖境不能侵真是吾兄法何坊友弟深  
天香自然會靈異識鐘音

裴迪青龍寺曇壁上人院集一首

灵境信為絕法堂出塵氛自然成高致向下看浮雲  
迤邐峰岫列參差間井分林端遠堞見風末疎鐘聞  
吾師久禪寂在世超人群

禪居

李頎無碍上人東林禪居一首

草堂每多暇時謁山僧門所對但群木終朝無一言  
我心愛水流屯地臨清源含吐山上日蔽虧松外村  
孤峰幽身世百衲老寒暄禪戶積朝雪花龕來暮猿  
顧余守耕稼十載隱田園蘿篠慰春汲巖潭恣討論  
泄雲豈知限至道莫探元且願啓閑鎖於焉微尚存



禪房

王昌齡洛陽尉劉與府掾諸公茶集天宮寺

岸道上人房一首

良友呼我宿月明懸天宮道安風塵外洒掃青林中  
削去府縣理豁然神机空自從三湘還怡得今夕同  
舊居大行北遠宦滄溟東各有四方事白雲處七通

岑參題華嚴寺瓌公禪房一首

寺南幾十峰峯翠晴可掬朝從老僧飯昨日崖口宿  
錫杖倚枯松繩床映綠竹東溪草堂路來往行自熟  
生事在雲山誰能復羈束

綦毋潛題招隱寺徇公房一首

關士度人久空岩花霧深徒知燕坐處不見有為心  
蘭若門對壑田家路隔林還言澄法性歸去比黃金  
孟浩然題終南翠微寺空上人房一首

翠微終南裏雨後宜返照閉門久沈冥杖策一登眺  
遂造幽人室始知靜者妙儒道雖異門雲林頗同調  
兩心喜相得畢景共談笑暝還高牕眠時見遠山燒  
緬懷赤城標更憶臨海嶠風泉有清聽何必蘇門嘯

杜甫大雲寺贊公房四首

灯影照無睡心清聞妙香夜深數突兀風動金琅璫



天里閑春院地清栖指方玉繩四斷絕鐵鳳森翱翔  
梵放時出寺鍾殘仍殷床明朝在沃野苦是塵沙黃

二

童兒汲井華情捷瓶上手露洒不濡地掃除似无筵  
明霞爛復閣霽霧拳鳥牖側塞被徑花颺颺委墀柳  
艱誰世事迫隱遁佳期後晤語契深心那能總鉗口  
奉辭還杖策暫別終回首泱泱泥污人聽聽國多狗  
既未免羈絆時來懃奔走近公如白雪執熱煩何有

三

心在水精域衣沾春雨時洞門盡除步深院果幽期

到扉開復閉撞鍾齋及茲醍醐長發性飲食遇扶衰  
把臂有多日開懷无塊辭黃鸞序結構紫鴿下罌罍  
愚意今所適花邊行自遲湯休起我病微咲索題詩

四

細軟青絲履光明白氎巾深藏供老宿取用及吾身  
自顧轉无趣交情何尚新道村才不世惠遠德過人  
雨瀉暮簷竹風吹春井芹天陰對圖畫最覺潤龍麟

宋之問題鑒上人房二首

落花雙樹積芳草一庭春玩之堪興異何必見幽人

又

唐詩類苑 卷之八 寺觀部 十六 松齋周本



晚入應真理經行尚未回房中无俗物林下有青苔

王昌齡題僧房一首

棕櫚花滿院苔蘚入開房彼此名言絕空中聞異香

陳子昂夏日遊暉上人房一首

山水開精舍琴歌列梵筵人疑白樓賞地似竹林禪

對戶池光亂交軒岳翠連色空今已寂乘月弄澄泉

岑參題山寺僧房一首

窻影搖群木墻陰載一峰野爐風自爇山碓水能舂

勤學翻知悞為官好欲慵高僧暝不見月出但聞鍾

儲光義題虬上人房一首

禪宮分兩地傳子一為心入道无來去清言見古今

江寒池水綠山暝竹園深別有中天月遙遙散夕陰

孟浩然題義公禪房一首

義公習禪寂結宇依空林戶外一峰秀堦前眾壑深

夕陽連雨足空翠落庭陰看取蓮花淨方知不染心

孟浩然題惠上人房一首

帶雪梅初煖含烟柳尚青來窺童子偈得聽法王經

會理知無我觀空馱有形迷心應覺悟客思不遑寧

孟浩然宿立公房一首

支遁初求道深公笑買山如何石岩趣自入戶庭間



唐詩卷之八十九  
蒼澗春泉滿蘿軒夜月閒能令許玄度吟卧不知還  
杜甫宿贊公房一首

杖錫何來此秋風已颯然雨荒深院菊霜倒半池  
放逐寧違性虛空不離禪相逢成夜宿隴月向人圓  
房融遊始興廣果寺山房一首

零落嗟殘命蕭條託勝因方燒三界火遽洗六情塵  
隔嶺天花發凌空月殿新誰憐鄉國思從此學分身

李頎宿瑩公禪房聞梵一首

花宮仙梵遠微七月隱高城鐘漏稀夜動霜林驚落  
葉曉聞天籟發清機蕭條已入寒空靜颺杳似隨秋

雨飛始覺浮生無住着頓令心地欲皈依

岑參赴嘉州過城固縣尋永安超禪師房壹首

蒲樹枇杷冬着花老僧相見具袈裟漢王城北雪初  
霽韓信臺西日欲斜門外不須催五馬林中且聽演  
三車豈料巴川多勝事爲君書此報京華

孟浩然同王九題就師山房一首

晚憇支公室故人逢右軍軒窗避炎暑翰墨動新文  
竹蔽簷前日雨隨階下雲同遊清蔭徧吟卧夕陽暝  
江靜棹歌歇溪深樵語聞歸途未忍去携手戀清芬



佛龕

蘇頌利州北佛龕前重於去歲題處作一首  
重巖戴清美分塔起層標蜀守經途處巴人作禮朝  
地疑三界出空是六塵銷卧石鋪蒼蘚行滕覆綠條  
歲年書有記非為學題橋

精舍

孟浩然疾愈過龍泉寺精舍呈功業二上人

一首

停午聞山鍾起行散愁疾尋林採芝去轉谷松蘿密  
傍見精舍開長廊飯僧畢石渠流雪水金子耀霜橘

竹房思舊遊過憇終末日入洞窺石髓傍崖採蜂蜜  
日暮辭遠公虎溪相送出

盧照鄰遊昌化山精舍一首

寶地乘風出香臺接漢高稍覺真途近方知人事勞

王維藍田山石門精舍一首

落日山水好漾舟信歸風玩竒不覺遠因以緣源窮  
遙愛雲木香初疑路不同安知清流轉偶與山前通  
捨舟理輕策果然愜所適老僧四五人逍遙蔭枳栢  
如枕林未曙夜禪山更寂道心及牧童世事問樵客  
暝宿長林下焚香卧瑤席澗芳襲人衣山月映石壁



唐詩類苑 卷之八九 儲光義  
再尋畏迷候明發更登巖笑謝桃源人花紅復來覲  
儲光義題辨覺精舍一首

朝隨秋雲陰乃至青松林花閣空中遠方池岩下深  
竹風亂天語溪響成龍吟試問真君子遊山非世心  
儲光義至閑居精舍一首

太室三招提其趣皆不同不同非一趣况是天遊宮  
雙嶺前來門閣道復橫空寶坊若花積死轉不可窮  
流泉自成池青松信饒風秋晏景氣迴晶明丹素功  
近將隱者隣遠與西山通大師假惠照念以息微躬  
閻防宿岸道人精舍一首

早歲參道風放情入寥廓重經因息侶遂果岩下諾  
歛迹辭人間杜門守冥寞秋風剪蘭蕙霜氣冷淙壑  
山牖見燃灯竹日聞搗藥願言捨塵事所趣非龍蠖  
禪室

杜甫西枝村尋置草堂地夜宿贊公土室二  
首

出郭眄細岑披榛得微路溪行一流水曲折方屢渡  
贊公湯休徒好靜心迹素昨枉霞上作盛論巖中趣  
怡然共携手恣意同遠步捫蘿澁先矧陟巘眩反顧  
要求陽岡暖若涉陰嶺互惆悵老大藤沈吟屈蟠樹



唐詩卷之八十九 卷之八十九 十一  
卜居意未屈杖策迺且暮層巔餘落日草蔓已多露  
二

天寒烏已歸月出山更靜土室延白光松門耿踈影  
躋攀倦日短語樂寄夜永明燃林中新暗汲石底井  
大師京國舊德業大机乘從來支計遊興趣江湖迥  
數奇謫閑塞道廣存箕穎何知戎馬間復接塵事屏  
幽尋豈一路遠色有諸嶺晨光稍朦朧更越西兩頂

禪堂

丁仙芝和薦福寺英公新構禪堂一首

上人久弃世中道自忘筌出寂照群有了心清衆緣

所以於此地築館闢青蓮果藥羅砌下炯虹垂戶前  
呪中洒耳露指處流香泉神遠日无爭體清宵不眠  
枳聞廬山法松入漢陽禪一枕四山外虛舟常浩然  
岑參題雲際南峰眼山人讀經堂一首

結宇題三藏焚香老一峰雲間獨坐卧祇是對杉松

寇坦同皇甫兵曹天宮寺浴室新成招友人  
賞會嘗首

温室歡初就蘭交託勝因共聽无漏法兼濯有爲塵  
水滌三空性香沾四大身清心多善友頌德慰同人  
蔡希寂登福先寺方然公禪臺一首



唐詩類苑 卷之八九 寺觀部 十一  
名都標佛刹萬構臨河干舉目上方峻森森青翠攢  
步登諸劫燬忽造浮雲端當暑扇闌邃却嫌絺綌寒  
禪房最尚頂靜者殊閑安踈雨向空城數峰簾外盤  
午鐘振衣坐招我同一餐真味雜飴露衆香唯苾蘭  
晚來恣偃俛茶果仍留歡

齋

王昌齡靜法師東齋一首

築山在人境遂得真隱情春盡草木變雨來池館清  
琴書金雅道視聽已无生閉戶脫三界白雲自虛盈

杜甫已上人茅齋一首

已公茅屋下可以賦新詩枕簟入林僻茶瓜留客遲  
江蓮搖白羽天棘蔓青絲空忝許詢輩難醉支遁詞  
窻

孟浩然題遠上人窻一首

給園支遁隱虛寂養閒和春晚群木秀閑閑黃鳥歌  
林栖居士竹池養右軍鵝淡泊北窻下清風期再過  
林泉

駱賓王同辛簿間仰酬思玄上人林泉四首

聞君招隱地髮髯武陵春緝芟知還楚披蓁似避秦  
崩查年祀積幽草歲時新一謝滄浪水安知有逸人



二  
芳棧臨上月  
幽賞狎中園  
有蝶堪成夢  
無羊可觸藩  
志懷南澗藻  
蠲思北堂萱  
坐嘆華滋歇  
思君誰為言

三

林泉恣探歷  
風景暫徘徊  
客右遷鶯處  
人無結駟來  
聚花風薄雪  
沸水若輕雷  
今日徒招隱  
終知異鑿坏

四

俗遠風塵隔  
春還初服遲  
林疑中散地  
人似上皇時  
芳杜湘君曲  
幽蘭楚客詞  
山中有春草  
長以寄相思

陳子昂酬暉上人夏日林泉一首

聞道白雲居  
窈窕青蓮宇  
岵泉滿雜樹  
石室千年古  
林卧對軒窓  
山陰滿庭戶  
方釋塵勞事  
從君襲蘭杜

亭

陳子昂酬暉上人秋夜山亭有贈一首

皎上白林秋  
微上翠山靜  
禪居感物變  
獨坐開軒屏  
風泉夜聲絕  
月露宵光冷  
多謝忘懷人  
塵憂未能整

陳子昂酬暉上人秋夜獨坐山亭有贈一首

鍾梵徑行罷  
香林坐入禪  
巖庭交雜樹  
石瀨瀉鳴泉  
水月心方寂  
雲霞思独玄  
寧知人世裏  
疲病得攀緣

孟浩然耒闞梨新亭作一首



唐詩類苑 卷之八 九 詩 勸 卷 十 四 林 齊 周 本  
八解禪林秀三明給苑才地偏香界遠心靜木亭開  
傍險山查立尋幽石徑迴瑞花長自下靈藥豈須栽  
碧網交紅樹清泉畫綠苔戲魚聞法聚閑鳥誦經來  
棄象玄應悟忘言理必該靜中何所得吟詠也徒哉

池

李頎題璿公山池一首

遠公遁跡廬山岑開山幽居祇樹林片石孤峰窺色  
相清池白月照禪心指揮如意天花落坐卧聞芳春  
草深此外俗塵都不染惟餘玄度得相尋

蘭若

孟浩然同薛八往符公蘭若一首

謂予獨迷方逢子亦在野結交指松柏問法尋蘭若  
小溪劣容舟怪石屢驚馬所居最幽絕所住皆靜者  
窠篠夾路傍清泉流舍下上人亦何閑塵念俱已捨  
四禪合真如一切是虛假願承耳露潤喜得惠風洒  
依止此山門誰能效也

孟浩然明禪師蘭若一首

西山多奇狀秀出傍前楹亭午收彩翠夕陽照分明  
吾師住其下禪坐說无生結廬就嶽窟剪竹通逕行  
談空對樵叟授法與山精日暮方辭去田園歸冶城



杜甫大覺高僧蘭若一首

巫山不見廬山遠  
松林蘭若秋風晚  
一老猶鳴日暮  
鍾諸僧尚乞齋時飯  
香爐峰色隱晴湖  
種杏仙家近  
白榆飛錫去年啼  
呂子獻花何日待  
門徒

王維過福禪師蘭若一首

岩壑轉微逕  
雲林隱法堂  
羽人飛奏樂  
天女跪焚香  
竹外峰偏曙  
藤陰水更涼  
欲知禪坐久  
行路長春芳

王維過乘如禪師蕭居士嵩丘蘭若一首

無着天親弟  
與兄嵩丘蘭若  
一峰晴食隨  
鳴磬巢鳥  
下行踏空林  
落葉聲迸水  
定侵香案濕  
雨花應共石

牀平深洞長松何所有  
儼然天竺古先生

王維投道一師蘭若宿一首

一公棲太白高頂  
出雲烟梵流諸壑  
遍花雨一峰偏  
迹爲无心隱名  
因立教傳鳥來還  
語法客去更安禪  
書涉松露盡暮  
投蘭若邊洞房  
隱深竹清夜聞  
遙泉向是雲霞裏  
今成枕席前  
豈唯暫留宿  
服事將窮年  
孟浩然過融上人蘭若一首

山頭禪室掛僧衣  
窗外無人水鳥飛  
黃昏半在下山路  
却聽泉聲戀翠微

孟浩然題融公蘭若壹首



精舍買金開流泉  
遶砌迴芰荷  
薰講席  
松柏映香臺  
法雨晴飛去  
天花晝下來  
談玄殊未已  
歸騎夕陽催

張說襄州景空寺題融上人蘭若一首

高名出漢陰  
禪閣踰香岑  
眾山皆圍繞  
長川復迴臨  
雲峰曉空變  
風木夜虛吟  
碧甃龍池滿  
蒼松虎徑深

臺

岑參題三會寺蒼頡造字臺壹首

野寺荒臺晚  
寒天古木悲  
空塔有鳥跡  
猶是造書時

李頎覺公院施烏石臺一首

石臺置香飯  
齋後施諸禽  
童子亦知善  
眾生無恨心

苔痕蒼曉露  
盤勢出香林  
錫杖或圍繞  
吾師一念深

祖咏題遜公徑臺一首

蘭若无人到  
真僧出復稀  
苔侵行道席  
雲濕坐禪衣  
澗鼠緣香案  
山禪噪竹扉  
世間長不見  
寧止暫忘歸

唐詩類苑 天卷之八九 韻音 十六



唐詩類苑 卷之八十九 雜音 二十七 松齋編本

唐詩類苑第八十九卷終

唐詩類苑第九十卷

仁和卓明卿澂父編輯

華亭張之象玄序

長洲毛文蔚豹孫同校

寺觀部

觀

劉孝孫遊清都觀尋沈道士得仙字一首

紛吾因暇豫行樂極留連尋真謁紫府披霞覲青天  
緬懷金闕外遐想玉京前飛軒俯松柏抗殿接雲烟  
滔滔清夏景嘒嘒早秋蟬橫琴對危石酌醴品寒泉

唐詩類苑卷之八十九 觀部 一 松齋編本



聊祛塵俗累寧希龜鶴年無勞生羽翼自可狎神僊  
凌敬遊清都觀尋沈道士得珠字一首

聊排雲鎖闥徐步入清都青溪冥寂士思玄徇道樞  
十芒生藥笥七焰發丹爐縹緱秩桐君籙朱書玉母符  
宮槐散綠穗日權落青柎翰雷門鶴飛來葉縣鳧  
凌風自可御安事迫中區方追羽化侶從此得玄珠

趙中虛遊清都觀尋沈道士得芳字一首

青溪阻千仞姑射藐汾陽夫若遊茲境探玄衆妙場  
鶴來疑羽客雲汎似霓裳寓目雖灵宇遊神乃帝鄉  
道存真理得心灰俗累忘烟霞凝抗殿松柏蕭長廊

早蟬清暮景崇蘭散晚芳卽此翔寒廓非復控揄枋

張說一柱觀一首

舊說江陵觀初疑神化來空中結雲閣綺靡隨迴風  
柰何任一住斯焉容衆材奇功非長世今餘草露臺

儲光羲昭聖觀一首

主家隱溪口微路入花源數日朝青閣彩雲猶在門  
雙棲夾一殿玉女侍玄元扶撩盡蟠木步擱多畫幡  
新松引天闕小栢繞山樊坐弄竹陰遠行隨溪水喧  
石池辨春色林獸知人言未逐鳳凰去真宮在此原

孟浩然宿桐栢觀一首



唐詩卷之二十九 又詩  
海行信風帆夕宿逗雲島緬尋滄洲趣近愛赤城好  
捫夢亦踐苔轍植恣窮討息陰憇桐栢采秀尋芝草  
鶴唳清露垂鷄鳴信潮早願言解纓紱從此去煩惱  
高步陵四壁玄蹤得三老紛吾逸遊意學彼長生道  
日夕望三山雲濤空浩浩

儲光羲題應聖觀一首

空中望小山山下見餘雪皎皎河漢女在茲養真骨  
登門駭天書啓籙問仙訣池光掙水霧燈色連松月  
合埽起花臺折草成玉節天雞弄白羽王母垂玄髮  
北有上年宮一路在雲霓上心方嚮道時復還金闕

儲光羲述降聖觀一首

一山畫天苑一峰開道宮道花飛羽衛天鳥遊雲空  
玉殿俯玄水春旗搖素風夾門小松柏覆井新梧桐  
自惜太仙下乃知元化功神皇作桂館此意與天通  
儲光羲題太玄觀一首  
門外車馬喧門裡宮殿清行即翳若木坐即吹玉笙  
所喧既非我真道其冥亡

綦毋潛宿太平觀一首

夕到玉京寢宵冥雲漢低竟交仙室蝶曙聽羽人雞  
滴瀝花吐露清冷松下溪明當訪真隱揮手入無倪



元結宿無爲觀一首

九疑山深幾千里峰谷崎嶇人不到山中舊有仙姥  
家十里飛泉遶丹灶如今道士三四人茹芝鍊玉學  
輕身霓裳羽蓋傍臨壑飄颻似欲來雲鶴

岑參題觀樓一首

荒樓荒井閑空山閑令乘雲去不還羽蓋霓旌何處  
在空留藥舊向人間

沈佺期奉和辛白鹿觀應制一首

紫鳳真人劫斑龍太上家天流芝蓋下山轉桂旗斜  
聖藻垂寒露仙盃落晚霞唯應問王母桃作幾時花

劉憲奉和辛白鹿觀應制一首

玄遊乘汝暉仙宇藹霏微石梁縈澗轉珠旆掃壇飛  
芝童薦膏液松鶴舞驂駢還似瑤池上歌成周馭歸

趙彥昭奉和辛白鹿觀應制一首

雲驂驅半景星蹕坐中天國誕玄宗聖家尋碧落仙  
玉杯齊薦壽寶筭鶴知年一觀光華旦忻承道德篇

武平一奉和辛白鹿觀應製一首

玉府凌二曜金壇駐六龍珠旒懸倒景羽蓋偃喬松  
玄圃靈芝秀華池瑞液濃謬因露舜渥長願奉堯封

李義奉和辛白鹿觀應製一首



制蹕乘驪阜田輿指鳳京南山四皓謁西岳兩童迎  
雲幄臨玄圃霞杯薦赤城神明近茲地何事往蓬瀛  
崔湜奉和幸白鹿觀應製一首

御旗探紫籙仙仗闢丹丘捧藥芝童下焚香桂女留  
鸞歌無歲月鶴語記春秋臣朔何其幸常陪漢武遊  
蘇頌奉和幸白鹿觀應制一首

紫虛清吹下藹藹入仙宮松磴攀雲絕花源接澗空  
受符邀羽使傳訣駐香童詎是閑居日徒聞有順風  
李嶠奉和幸白鹿觀應制一首

駐蹕三天路迴旃萬仞溪真庭群帝饗洞府百靈棲

玉酒仙壚釀金方惜壁題佇看青鳥入還陟紫雲梯

徐彥伯幸白鹿洞觀應制一首

鳳輿乘八景龜籙向三仙日月移平地雲霞綴小天  
金童擎紫藥玉女獻青蓮花洞留宸賞還旗繞夕烟

王勃尋道觀一首

枝屨光分野蓬闕盛規模碧壇清桂闕丹洞肅松樞  
玉笈三山記金箱五嶽圖蒼虬不可得空望白雲衢

王勃觀內懷仙一首

玉架殘書憶金壇舊迹迷牽花尋紫澗步葉下清谿  
瓊漿猶類乳石髓尚如泥自能成羽翼何必仰雲梯



唐詩類苑 卷之九 雜詩  
駱賓王紫雲觀贈道士一首

碧落澄秋景玄門啓曙闌人疑列禦至客似令威還  
羽蓋徒忻仰雲車未可攀只應傾玉醴時許寄頽顏

駱賓王遊靈公觀一首

靈峰標勝境神府枕通川王殿斜臨漢金堂迴架烟  
斷風跡曉竹流水切寒絃別有青門外空懷玄圃仙

陳子昂春日登金華觀一首

白玉仙臺古丹竝別望遙山川亂雲日樓榭入烟霄  
鶴舞千年樹虹飛百尺橋還逢赤松子天路坐相邀

崔國輔奉和華清仙觀迎香應制一首

天子藻珠宮樓臺碧落通豫遊皆汗漫高處即崆峒  
雲物三光裏君臣一氣中道言何所說寶曆自無窮

杜甫王臺觀二首

浩劫因王造平臺訪古遊彩雲蕭史駐文字魯恭留  
宮闕通羣帝乾坤到十洲人傳有笙鶴時過北山頭

又

中天積翠玉臺遙上帝高居絳節朝遂有馮夷來擊  
鼓始知羸女善吹簫江光隱見鼉鼉窟石勢差參鳥  
鵲橋更有紅顏生羽翰便應黃髮老漁樵

王勃秋日仙遊觀贈道士一首

唐詩類苑 卷之九 雜詩  
王勃秋日仙遊觀贈道士一首



唐詩卷之九十一  
石圖分帝宇銀牒洞靈宮迴丹紫岫室復翠上巖櫺  
霧濃金灶靜雲暗玉壇空野花常捧露山葉自吟風  
林泉明月在詩酒故人同待余逢石髓從尔命飛鴻

楊炯遊敷觀一首

青嶂倚丹田荒原數百年猶知小山桂尚識太羅天  
藥敗金爐火苔昏玉女泉歲時無壁畫明夕有階烟  
花柳三春節江山四望懸悠然出塵網從此狎神仙

楊炯和刘侍郎入隆唐觀一首

福地陰陽合仙都日月開山川陵四險城樹隱三臺  
伏檻排雲出飛軒逸澗回參差倒影瀟灑軼塵埃

百果珠爲實群峰錦作苔懸蘿暗疑霧瀑布響成雷  
方士燒丹液真人泛玉杯還如問桃李更似得蓬萊  
漢帝求仙日相如作賦才自然金石奏何必上天台

楊炯和輔先入昊天觀一首

遁甲參臯甲占星太一宮天門開奕七佳氣鬱葱葱  
碧落三乾外黃圖四海中邑居環弱水城闕抵新豐  
玉盤崑崙側金樞地軸東上直朝北斗元始咏南風  
漢君祠五帝淮王禮八公道書藏竹簡靈液灌梧桐  
草茂瓊塔綠花繁寶樹紅石樓分似畫地鏡淼如空  
桑海年應積桃源路不窮黃軒若有問三月騎崆峒



王維奉和聖製登降聖觀與宰臣同望應制  
一首

鳳袞朝碧落龍膏耀金鏡維岳降二臣戴天綿萬姓  
山川八校滿井邑三農竟比屋皆可封誰家不相慶  
林疎遠村出野曠寒山靜帝城雲裏深渭水天邊映  
喜氣含風景頌聲溢歌味端拱能任賢弥享聖君聖

院

王昌齡武陵開元觀黃鍊師院二首

松間白髮黃尊師童子燒香禹步時款訪桃源入溪  
路忽聞鷄犬使人疑

二

先賢盛說桃源花塵忝何堪武陵郡聞道秦時避地  
人至今不與人通問

三

山觀空虛清靜門從官得吏擾塵喧暫因問俗到真  
境便欲投誠依道源

綦毋潜過方尊師院一首

羽客埒門尋草堂松徑深養神宗示法得道不知心  
洞戶逢雙屐窠天有一琴更登玄圃上仍種杏成林  
玄宗皇帝爲趙法師別造精院過院賦詩一



首

宗師心外物為道運虛舟不恋崑前賞來從寶禁遊  
探玄知幾歲習靜更宜秋烟樹辨朝色風湍閑夜流  
坐朝繁聽覺尋勝在清幽欲廣無為化因茲庶可求

堂

常建張天師草堂一首

灵溪宴清宇傍倚枯松根花藥繞方丈瀑泉飛至門  
四氣閉炎熱兩岸改明昏夜深月斃皎亭午朝始暎  
信是天人居幽幽寂無喧萬壑應鴻磬諸峰接一窺  
遂登仙子谷因醉田中尊時節開玉書宵映飛天言

心化更無影目精焉累煩忽而與霄漢寥落空南軒

房

李頎題盧道士房一首

秋砧響落木共坐茅君家惟見兩童子林前汲井華  
空壇靜白日神鼎飛丹砂塵尾拂霜草金鈴搖露霞  
上章人世隔看奕洞陰斜稽首問仙要黃精堪餌花  
王昌齡題朱鍊師山房一首

扣齒焚香出世塵齋壇鳴磬步虛人百花仙醞能留  
客一飯胡麻度幾春

孟浩然宴黃道士房一首

專詩類苑卷之九十一 雜詩



歸來卧青山常夢遊清都漆園有傲吏惠好在招呼  
書幌神仙錄畫屏山海圖酌霞復對此宛似一蓬壺

孟浩然宴梅道士房一首

林卧愁春盡開軒覽物華忽逢青鳥使邀入赤松家  
丹灶初開火仙桃正發花童顏若可駐何惜醉霞流

孟浩然遊精思題山房一首

誤入桃源裏初怜竹徑深方知仙子宅未有世人尋  
舞鶴過閑砌飛猿嘯密林漸通玄妙理深得坐忘心

儲光羲題辛道士房一首

全神不言命所尚道家流迨此遠南楚遂令思地遊

先生秀衡岳玉立居玄丘門帶江山靜房隨瑤草幽

逍遙三花發罔象五雲浮自有太清紀曾垂華髮憂

大年方橐籥小智卽蜉蝣七日赤龍至莫令余獨留



唐詩類考

卷之十一 又

卷之十一





